

2294  
8230  
1901  
v. 1

# 寒岡先生年譜

上



Farmington (Korea)



PERSEUS  
LIBRARY  
UNIVERSITY OF  
CALIFORNIA

寒岡先生年譜

先生世系之圖

鄭氏本貫清州

李牧隱叙傳西  
原大姓者是也

一世  
二世  
三世  
四世  
五世  
六世

鄭顥  
保  
堦  
憤  
誦  
樞

仕於高麗 監察御史  
贈左僕  
都僉議贊 重大匡清  
左諫議大 重大匡進  
夫 贈壁 賢館大提

衛上將軍 射  
贈監門  
章敬公  
成事 謚  
河君  
上功臣三  
重大匡清  
學清原君  
贈左政

河府院君  
號雪谷  
丞 謚文  
簡公 號圓

齋

七世  
八世  
九世  
十世  
十一世  
十二世

摠  
孝忠  
沃卿  
胤曾  
應祥  
思中



本朝開國 折衝將軍 司憲府執 鐵山郡守 司憲府監 忠佐衛副  
功臣政堂 行上護軍 義 贈吏曹 察 贈承 司猛 贈

文學西原 君 謚文 判書清城 政院左承 東曹判書 配星州李

愍公號復 齋 君 旨 氏 贈莫 夫人 將仕 郎煥之女

十三世 十四世 十五世 十六世 十七世 十八世

求 樟 惟熙 昌址 啓欽 彥濟

字道可號 登文科全 承議郎 青嚴道察 通德郎 有子東里 東允

司憲府大 司憲 贈承政 院都承旨 致欽 命濟

世子輔養 官 贈領 寧陵然奉 有子盛 東玄

議政 謚 文穆公 匡濟 出 繼



奉西川府  
院君祀有

子德彬  
衡彬

履欽  
出繼

弘濟

通德郎有  
子東璞

東瑯  
繼

寬濟

有子東瑤

昌址  
出繼

惟燾

顯陵參奉

昌緒  
出繼

昌緒

濟源殿參  
通德郎  
奉

履欽

通德郎

昌載

通德郎

復欽

經濟

有子東臣  
東羽

無濟

有子東潤  
東吉

東輦

達濟

有子東燮  
東述

東翼  
東直

益欽

大濟

有子東道  
東野



允濟

有子東一

利濟

有子東瑋

東九

十九世

二十世

二十一世

二十二世

二十三世

二十四世

東里

之復

煒

奎錫

大永

來麟

新昌縣監

通德郎

溫陵叅奉

敬陵叅奉

有子思容

鳴和

承和

祐永



龍錫

夏永

輔永

民和  
祥和

箕錫

元永

仁和  
宅和

佐永

龜錫

義永

元錫

之益

利錫

之坤

龜錫

光稷

通德郎

生負

夔



老永

民永

浩永

祈永

泰永

河錫

雲錫

晃錫

師錫

垓

墉

夔

塙

烈

之升

之豐

之泰

通德郎

東允

通德郎

禮安縣監

奎璵

璵

之觀

堞

夏錫

祚永

和錫

祚永繼出

禧永

祿永

東玄

燭

堞

泰錫

衡錫繼出

衡錫

堞

德彬

趾勲

堞

晉錫



五衛

奉事

章陵恭奉

衡彬

敬勲

邶

克勲

垣

采

東璞

燧

垺

吳錫

薰出繼

燭

塢

震錫

東瑯

煇

垺

倫錫

生負

三錫

燭

坎繼出

東臣

燭

墩

來錫

東羽

燭

墩

仁錫

塼繼出

燭繼出

東潤

燭

址

塼



東吉

煉

壩

文錫

東轍

薰

達

武科

壩

壩

東燹

魯

著

冑錫

基永

贈吏曹參判

嘉山郡守 殉節 贈

果川縣監

兵曹判書 謚忠烈公

耆

翼錫

耆

茂錫

東述

燭

焜出繼

校理

蓋

燭出繼

斌

塿

塿

塿出繼

垠

著

奉慶基殿

殷錫

邁錫

岡錫

冀錫出繼

岡錫出繼



生員章陵  
參奉  
瘁

東翼  
炅

生員思陵  
參奉

塾  
塿

胃錫  
繼出

民錫

埜

堡

壕

東直  
煥

生員

東道  
燁

疇

東野  
燁  
繼出

煜

昀

黠

疇

昀

繼出

暖

東一

煥

煥

台錫

生負

燭

東瑋

燔

頻

東九

熈

燔



燠

煖

二十五世

恩容

世系圖終

辛丑冬追刊



寒岡先生年譜卷之一

皇明世宗肅皇帝嘉靖二十二年

我中宗恭  
僖大王三十

年癸卯

七月九日壬子子時先生生于星州沙月里

第在州南九里○先生之先西原人也世居  
于京祖承旨公聘寒暄堂金先生之女及

李考判書公奉母夫人自京來觀外王母  
朴氏於玄風而娶于星州李氏因家焉

二十三年我中宗甲辰先生

二十四年我仁宗乙巳先生

二十五年我明宗丙午先生

二十六年我明宗丁未先生

岐嶷英秀異於凡兒見者稱為神童

二十七年我明戊申先生六歲

二十八年我明己酉先生七歲

天資豪邁志氣遠大色辭之間英彩發越人

皆以大有為期之伯氏參贊公適嘗與客坐

戲曰爾做何官先生曰吾世世為卿吾當帶

金衣緋故試帶之爾伯氏訶之曰此兒狂甚

二十九年我明庚戌先生八歲

三十年我明辛亥先生九歲

三月遭判書公憂執喪哀毀有若成人



三十一年我宗七年明壬子先生十歲

正月葬判書公於州西回峰山○有志于學

發憤讀書時先生已讀大學論語通大義伯氏嘗泣而語曰先君在世時慮爾

先生失禁常以為憂汝其勉之先生惕然感奮自力不怠

三十二年我宗八年明癸丑先生十歲

三月服闋

三十三年我宗九年明甲寅先生十歲

手摹先聖畫像揭諸壁上日必瞻拜

三十四年我宗十年明乙卯先生十歲

受業於德溪吳先生德溪諱健時教授州學先生就學易傳纔讀乾

坤二卦餘皆推類而通透無碍德溪謂同學諸生曰汝輩當師鄭生也○一日有邑子來學者招入賤人於黌舍與之語先生厲聲曰此地尊嚴非此輩所敢入令曳出之德溪聞之愈益奇之

三十五年我明宗先生十丙辰四歲

三十六年我明宗先生十丁巳五歲

作醉生夢死歎詩見文

三十七年我明宗先生十戊午六歲

秋作天孫河鼓七夕會辨見文

三十八年我明宗先生十己未七歲

三十九年我明宗先生十庚申八歲



四十年我十六年明宗辛酉先生十歲

四十一年我十七年明宗壬戌先生十一歲

四十二年我十八年明宗癸亥先生十二歲

春拜退溪李先生李先生答柳希范書曰有鄭速者求留一日而去甚

英敏答李龜巖損書曰曾見鄭崑壽及其弟速皆志學好善之士寒暄外孫豈無其餘風

耶如此等人不見於景賢錄中亦似有欠別為外孫圖寫入乃好又貽書德溪極其美賞

○吊黃錦溪俊良于豐基○秋中鄉解進士

試○十二月聘夫人光州李氏奉事樹之女

四十三年我十九年明宗甲子先生十二歲

春赴會試不入禮園而歸先生既還舉尹和靖故事稟于大夫

人大夫人曰汝欲行古人事且從所好先生自是遂棄科業○德溪嘗謂先生曰以子才器當為世用豈若從俗取科而後唯吾所欲乎先生不從益勵求道之志從事性理之學

○四月哭伯氏叅贊公冬葬于昌寧伯氏聘昌寧曹

氏歿于其家因以攢窆焉

四十四年我明宗乙丑先生二十三歲

春就質心經于退溪先生自是以後不惟躬自往來其修讀實

問者亦且相續○十二月女子子生長適校理姜縉

生一子有徵生負

四十五年我明宗丙寅先生二十四歲

春拜南冥曹先生南冥異日謂先生曰士君子大節惟在出處汝於出



處粗有見得吾心許之也○南冥嘗寢疾先生與金東岡宇顯仕省南冥執先生手曰積病沉痾之中對君說話恍若披玩王摩詰輞川圖也○大谷成先生運有厚德重望先生嘗往拜焉其卒也為文以祭之祭文見文集○此一段不知何歲姑附于此

穆宗純皇帝隆慶元年我二十二年明宗丁卯先生二十五歲

二年我宣祖昭戊辰先生二十六歲

春稟定川谷院號於退溪先生州人為李文烈公兆年李

文忠公仁復建書院于延鳳山下先生以其地有伊川雲谷之號將卧龍故事稟于李先生定號為川谷奉享程朱二先生以寒暄堂金公從祀別立祠宇于院傍以享文烈文忠定著院規春秋舍采○十一月丁內艮喪禮時諸生以程冠將事○十一月丁內艮喪禮廢壞世俗雜以巫覡浮屠先生理喪持服一遵儀禮又按圖考制創造小方床妙畫其規

士大夫多慕效焉

三年我祖二年宣巳巳先生二十七歲

五月改卜州南大里蒼坪坎坐之原奉遷判

書公合葬夫人先生哀毀成疾幾至危境南冥先生致書慰問至於語及

流弟○六月子樟生

四年我祖三年宣庚午先生二十八歲

十一月服闋○十二月退溪先生訃至為位

而哭先生草土之後積年沉痾未得奔赴

五年我祖四年宣辛未先生二十九歲

六年我祖五年宣壬申先生三十歲



二月南冥先生率赴哭會哭致如之誠

祭文見○是月女子子生長適奉事盧勝一生

子亨

神宗顯皇帝萬曆元年我宣癸酉先生三

十二月拜禮賓寺然奉不就宣祖命擢山

東同以修撰入侍啓曰鄭逮曾從李滉學

又嘗往來曹植之門學問通明才局有裕當

令以布衣入對訪問治道然後授之以爵可

也吏曹請叙六品命議大臣大臣以為曾

除職者當除森下職○寒岡精舍成岡在蒼

龍西麓先生為護松楓築室其上取朱子寒

泉之義名之北巖上有於是軒南山巔有悠

然臺○有偶吟一絕夜宿松間屋晨○改定

興水上軒濤聲前後壯時向靜中聞

朱子書節要總目撰家禮集覽補註刊行于

世

二年

我祖七年

宣甲戌

先生三十二歲

七月吳德溪卒致其情禮一如南冥喪

祭文見文

集

○八月女子子生長適府使洪燦

生一女適李

三年

我祖八年

宣乙亥

先生三十三歲

撰寒暄堂年譜及師友錄

並見文集

○六月拜健

元陵參奉不就

四年

我祖九年

丙子

先生三十四歲

五年

我祖十年

丁丑

先生三十五歲



六年

我宣祖十一年

戊寅

先生三十六歲

六月吏曹請叙六品拜司圃署司圃疏辭○

秋拜義興縣監不赴○十二月拜宗簿寺主

簿三嘉縣監皆不赴

七年

我宣祖二年

己卯

先生三十七歲

三月拜知禮縣監不赴○九月遊伽倻山有錄

見文集○冬撰昏儀○聚學徒講小學

八年

我宣祖十三年

庚辰

先生三十八歲

二月拜昌寧縣監疏辭 不允○四月一陞

辭

又宣祖引見謂曰父聞爾名恨不得見也

人出入門牆請問質疑則有之執經受業則未也問李滉曹植氣象與學問何如對曰李滉德器渾厚踐履篤實工夫純熟階級分明學者易以尋入曹植器局峻整才氣豪邁超然自得特立獨行學者難以為要問爾讀何書對曰臣嘗學大學書問大學工夫何者為要對曰三綱領八條目無非修己治人之方也而先儒有言天德王道其要只在謹獨帝王之學出治之本精一之切萬化之原無一不在於謹獨上惟立志與有為為貴問爾其之縣何以治民又將奚先對曰臣本才疎學淺惟恐不堪但古人云若保赤子臣雖不敏請事斯語而願先興學焉○閏四月赴任倣古家塾之制四境設書齋儲養士義理諸祀壇壝按圖改築孝烈旌閭更加修繕行鄉射鄉飲酒養老禮籍記善惡以示勸懲其他凡事舉以法古上下安和治聲大著鹽司康啓特賜表裏及其歸也士民設生



祠以寓追思之誠○有詩曰官府山林事豈同勞勞終日簿書中民病未醫身病急何如

歸臥北窓風○昌山志成

九年

我十四年宣祖

辛巳

先生三十九歲

九月拜承議郎司憲府持平謝恩疏辭

不允乃以昌寧時有推考引嫌得遫○十月

拜宗親府典簿呈旬○十一月拜儀賓府都

事呈旬○十二月拜社稷署令辭遫李栗谷

榻前啓雖未解由請罷格給極先生以開傳門為不可再疏力辭

十年

我十五年宣祖

壬午

先生四十歲

春拜軍資監判官不就○省仲氏西川君於

坡州

西川君諱崑壽字汝仁時為坡州牧○成牛溪渾往來相訪

四月南

還○撰冠儀

十一年

我宣祖癸未先生四十六歲

正月行子樟冠禮○二月拜江原道都事不

赴○三月拜忠清道都事不赴○夏拜工曹

正郎不就○與門下諸生為月朔講會契約

皆倣呂氏鄉約而先生又作勸戒之詞以諭之畧曰入約之人各自敦勸正其誼不謀其

利明其道不計其功勿汲汲於富貴勿戚戚於貧賤苟不如已非吾輩中人雖無約中

之罰亦何以冒昧隨衆為吾約者哉進德謹行之目已盡於德業相勸之云凡吾同約之

人盡相與勉之○檜淵草堂成許先生在蒼坪南一里



勝簪小齋為棲息之所名其房曰不愧寢窓  
曰梅窓軒曰玉雪又有竹牖松檟之號種百  
梅脩竹于庭名曰百梅園○有絕句曰小小  
山前小小家滿園梅菊逐年加更教雲水粧  
如畫舉世生○冬拜刑曹正郎戶曹正郎皆  
涯我最奢

不就○是年春上令備邊司各薦人才李

栗谷舉以應命

十二年我宣祖十七年甲申先生四十二歲

五月特拜同福縣監七月陞辭引見問

以治道更加教諭而遣之既至與學設教如在昌寧時○十月陞奉訓

郎○十二月遊邊山○同福志成

十三年我宣祖十八年乙酉先生四十三歲

正月以小學四書諺解校正廳郎廳被召赴

朝○拜工曹正郎疏辭不允○二月拜

奉直郎掌樂院僉正○五月復拜工曹正郎

○七月再上疏請遫職歸家校正以進蒙

允將就道又被政院啓留○八月乞暇下

鄉○十月拜軍資監僉正不就○十二月拜

古阜郡守疏辭

十四年

我

宣祖

丙戌

先生四

歲

二月拜慶尚道都事不赴○八月拜咸安郡

守疏辭

不允十月赴任

收稅於民量度不  
差有隣境之氓納



布於其官守怒其尺短欲答之民曰我有田  
在咸安此乃當納咸安者而誤換來守有慚  
色

十五年

我宣祖二十年

丁亥

先生四十五歲

為故朴斯文漢柱創立祠宇封其墓而祭之

漢柱燕山朝人與戊午史禍○祭文見文集

○占得觀海亭基址

於昌原之檜原

檜原在海灣崔文昌舊遊之地也先生愛其景致又慕先

賢遺迹往來遊賞邑中士子為立精舍先生號之曰聚白堂○有示同來諸君子一絕我

欲為亭近海灣座中誰作蔡西山旄桶海筠須早植莫教風雨六年間

○訪崔

守愚永慶於晉陽○祭多勿墓

多勿以歿諱天性至孝齋

指和藥以愈父病至是先生祭其墓而封植之祭文見文集

○咸州志成

十六年

我一宣祖二十一年

戊子

先生四十六歲

四月陞通善郎○五月轉朝奉大夫○八月

謝病歸郡人立石頌德

碑文曰侯名逵字道可西原望族以學行

擢拜昌寧縣監俄遷為司憲府持平或進或退在朝日淺凡五轉而為守茲邑是萬曆丙

戌冬十月也越三年戊子秋謝綬歸園侯之政以敦孝悌獎節義崇儒重施為先而嚴明

清慎吏憚民和及其歸也孤舟輕颺古之人無以加矣於戲山川鬼神猶懷之光於人乎

邑人於是興去思頌遺澤刻之于石以寓不忘詞曰侯來何遲侯去何疾沛雲甘雨清永

皓月民受其賜永懷無射

十七年

我二十二宣祖

己丑

先生四十七歲

與學者講心經○崔守愚來訪

時先生



十八年我宣祖  
二十三年庚寅先生四十八歲

與學者講近思錄

十九年我宣祖  
二十四年辛卯先生四十九歲

春移卜社倉在檜淵下十里○有題新構一

夏無加半生已熟芳茨絕小小生涯小小家志存容膝  
下瓦覆新居便覺奢 ○十一月拜通川郡

守十二月 陛辭○歷省楊州楊根先塋五世

祖墓在楊州六世  
祖妣墓在楊根

二十年我宣祖  
二十五年壬辰先生五十歲

正月赴任○遊金剛山○夏倭奴入寇連陷

三都 大駕西幸龍濟乃移檄列邑倡義討

賊寢出不意勢若風雨監司守令並皆逃竄  
大駕播越奪問無人先生獨三進物膳

賞上歎不已  
○通川志成

二十一年我宣祖十六年癸巳先生五十一歲

八月特陞通政疏辭不允時宣祖母兄河陵君避

亂匿於通川山谷間值土賊傳倭猝至遂自  
縊先生因鞫囚徒始得聞之躬往尋屍具棺  
槨權厝捕賊以聞上深加傷感傳曰鄭  
述之恩予何以報之姑陞堂上以示予意

○十一月拜江陵大都護府使  
命除朝辭

○閏十二月赴任亂離孔棘公私板蕩先生  
勞來安集經理庶務屯田

蓄穀以補軍餉割  
俸賑飢多所全活

二十二年我宣祖十七年甲午先生五十二歲



臨瀛志成○十一月拜同副承旨兼經筵

叅贊官疏辭不允

二十三年

我宣祖十八年乙未先生五十三歲

二月陞右副承旨無如故

一日入侍進講易傳

宣祖經筵

問程傳本義何先生對曰易之為道惟明乎消息盈虛之理進退存亡之幾以不失乎時中者徒以占候為事則末矣當以程傳為先也又問朱子以韓侂胄用事趙如愚被罪乃具封事極論奸邪之狀此疏若入則宋國其庶幾矣而反遇遜身占筮之道不可謂天下之至神而朱子之必決於此者何也先生對曰不然若使宋寧宗果能如聖教一見封事便黜侂胄則其筮必不遇遜此占筮之所以至神也天顏有喜僚席心歎○

四月陞左副承旨○六月遣付義興衛上護

卷之五  
宣和二年

軍俄拜掌隸院判決事○七月拜右承旨疏

迹○八月付虎賁衛護軍○九月復拜右承

旨○差天使問安使由南原往密陽時天朝

冊封日本關伯正使李宗城住南原副使楊邦亨住密陽先生奉命問安同旋中禮

敬之○十月遷左副承旨二十四日復命

○十二月遷付僉知中樞府事復拜左副承

旨

二十四年我宣祖丙申先生五十四歲

正月拜江原道觀察使陞辭宣祖引見勉諭以修築

山城措備兵食先生對曰臣雖駑鈍庶竭股肱之力因請廢崇故臣金誠一以獎其忠



上嘉納○教書見附錄

○二月到原州躬行釋奠祭○

入界未幾巡到寧越審魯山君祭壇到江陵

躬祭國殤又使埋胔令列邑皆如之○築鵠

原山城

時賊屯海上嚴飭列郡調兵運糧以詣戰所且以

錫原據險上流可為堡障遂募僧築城

選入將士精繕器械嚴立紀律以備之○四

月會議軍務於體察使幕府仍省先墓而還

時李相國元翼以體察佳星州

○五月有疾呈告

不允○

八月立高麗元冲甲祠于鵠原城上

冲甲原州人也

忠烈王時哈丹賊圍雉岳城百計攻之城幾陷冲甲以進士隸別抄十戰大敗之○雉岳

即今鵠原

○祭高麗處士耘谷元公墓

元公名天錫我本

宗恭定大王微時同遊學及登寶位天錫隱於雉岳上幸其宅候之天錫避不見○祭

文集○九月命返葬奉鄭師哲門生陳暹

於故山師哲大丘人先生嘗與為道義交陳暹慶山人亦嘗出入門下壬辰之亂

師哲死於居昌陳暹死於永川至是先生哀其客死具棺櫛使歸葬○關東志

成○十月再辭遞付龍驤衛副護軍俄拜右

承旨到驪州辭遞○十一月付龍驤衛大護

軍○十二月拜刑曹叅議

二十五年我宣祖丁酉先生五十五歲

正月拜右副承旨辭遞○二月付義興衛護

軍無五衛將○三月拜掌隸院判決事○六



月拜成川都護府使○歷長湍省先塋祖承旨公

墓在焉○七月赴任時倭寇更犯兩湖將有充

成川先生禮接上下動遵規繩諸王子留在

侍從臣僚莫不敬謹上亦下教諸王子及

戒之慎之毋至見過

二十六年我宣祖戊戌先生五十六歲

十月特陞嘉善疏辭不允○承朝命建

武學祠祀高麗上將軍鄭顥慈州副使崔椿

命上將軍先生先祖死西京之亂副使亦先

是朝廷命建武學祠於各道鎮管柁前代忠

臣先生奉而行之仍作叙與詩以表其雙勲

節○編次中和集說古今忠謨

二十七年我宣祖已亥先生五十六歲

編次古文會粹樂天閒適朱子詩分類

二十八年我宣祖庚子先生五十八歲

正月公滿適付忠佐衛副護軍以疾不任進

道住陽德縣村舍上疏請去職名不允○

六月懿仁王后薨赴闕哭臨○九月付

忠武衛司直○十月拜五衛都掄府副掄管

○上疏論山陵事時陵役垂畢葬期已迫地師朴子羽倡為妖說將撓

大事先生上疏力陳其詭妄不經之狀疏見文集○拜刑曹參判無

觀象監提調



二十九年

我

宣祖四年

辛丑

先生五十九歲

三月適付義興衛司正○九月拜寧越郡守

不赴○十月付龍驤衛護軍兼經書諺解校

正廳堂上疏辭寓居橫城○編次聖賢風範

三十年

我

宣祖十五年

壬寅

先生六十歲

正月付龍驤衛護軍俄拜忠州牧使赴任○

祭彈琴臺戰亡將士

壬辰之亂巡邊使申砮敗於彈琴臺將士皆溺

死至是先生躬往祭之祭文見文集

○二月乞暇還鄉省掃先

塋祭宋新淵師願金松庵沔李玉山起春郭

存齋趙李晴暉承墓

祭文並見文集

○四月以經書

卷之三

諺解校正廳堂上被召赴朝付龍驤衛

護軍又付本衛司直○七月付虎賁衛護軍

○八月付龍驤衛副司直○十月付虎賁衛

司直○十一月哭仲氏西川君時先生在京都躬親理喪

情禮兩至○十二月付龍驤衛副護軍又付義興

衛護軍

三十一年我宣祖癸卯先生六十一歲

二月葬仲氏于長湍祭文集見○三月呈辭

職退寓木川邑中士子多被獎進○夏拜洪州牧使不

赴○九月還鄉○夙夜齋成齋在案岡北○絕



未出全身面微呈一眉奇  
才知造化意不欲露天機  
○撰五先生禮說

心經發揮等書○冬哭金東岡  
先生與東岡並生一邑同

遊一門存而有道合之樂歿  
而抱文襄之痛祭文見文集  
○絕鄭仁弘生

初與仁弘同師南冥已知其剛  
為善至是仁弘慕南冥文集任其偏見取舍

垂當詆斥晦退無所不至先生絕之

三十二年  
我宣祖三十七年  
甲辰  
先生六十二歲

春搆五蒼亭  
亭在寒岡北取上蒼下蒼前川蒼後蒼中有蒼顏白髮為義

上亭  
亭在寒岡西  
○夏拜工曹叅判不就○武屹

精舍成  
武屹在州西修道山中泉石清潔人烟迥隔先生立茅屋三間為藏書燕

息之所而其微意則蓋欲以避地也扁曰接雲庵庵下有飛雪橋涵月潭潭上有自怡軒

構木為之庵之東有山泉庵有泉湧出巖罅  
聲如戛玉取朱子夜枕山泉響之意以名焉  
其上有卧龍巖上有塲巖巖崖削立盤石平  
鋪其上有懸瀑高可百許尺就其左旁燔糴  
除地名曰玩瀑亭○有夜詠一絕峯頭殘月  
點寒溪獨坐無人夜氣淒為謝親朋休理履  
亂雲層雪  
巡金述 ○編次癸洛羹牆錄洙泗言仁樹

錄等書○撰景賢續錄○撰卧龍巖志○九

月祭止止堂金先生墓源金先生諱孟性字善成宗朝人有文

章德行一時名賢皆師尊之○與玄風士子議建書院于

松林玄風縣東舊有雙溪書院寒暄金先生

就金先生墓下卜地移建方○撰谷山洞庵

伯先生一生尊尚朱子至於講道棲息之地志亦莫不想像欽慕乃裒聚雲谷武夷山白



歲洞晦庵等地序記題詠  
事蹟合為一書而名之

三十三年

我宣祖乙巳先生六十三歲

三月往八莒縣大谷省外先祖李公諱鐵墩

墓○四月拜海州牧使不赴○十月返葬伯

氏于蒼坪先塋之左

伯氏早歿無嗣先生奉

女俱不失時又以西川季

○復設檜淵草堂

子櫻為其後以奉宗祀  
堂之東畔別構一間茅齋扁曰望雲庵

先生以檜

淵密通松楸為作此庵朝夕居  
居以寓瞻望之誠因以名之

三十四年

我宣祖丙午先生六十四歲

五月定朔望通讀之規

先生憂鄉中子弟因  
亂失學設為科條以

勸課之會儀講法見文集 ○八月拜光州牧使不赴 ○九

月造玄風謁道東院祠十月祭金先生墓十

一月往三嘉謁龍巖院祠仍向晉州謁德山

院祠祭曹先生墓歷山陰祭吳德溪墓至咸

陽謁濫溪院祠祭鄭先生墓祭文並見文集 ○撰治

亂提要

三十五年我宣祖 丁未先生六十五歲

正月拜安東大都護府使陳䟽請辭先生以累被

恩命退在為未安赴 朝肅謝䟽其癘瘁不堪民社之意又引國典年六十五歲者不

許為守令之規以辭之 答曰卿昔年侍從之臣久退



鄉家予未知其由常以為缺然宜來仕于朝

何可退去至於年歲之事則人之氣力不同

何必拘也卿宜勿辭更擬陳辭乞遞聞有議

請留者遂寢其疏兩疏並見文集○三月 陞辭單

車赴任○道經楊根祭先世墓祭文見文集○歷

訪四郡山水逾竹嶺至豐基祭黃錦溪墓向

禮安謁陶山易東院祠祭退溪先生及趙月

川穆墓祭文並見文集○既到府祭外先祖權太師

諱幸金忠烈公諱方慶及權忠定公撥金鶴

峯誠一墓祭文並見文集○哭柳西厓再為文祭之

西原諱成龍字而見○祭文並見文集○有一寺奴倣威權相

侵刻小民收捕鞠治人多救解而竟不貸其

死○以朝命刊易傳○刊太極圖說啓蒙

圖書見圖書有跋○刻西原世稿藏于武屹見

西川君哀聚先世遺文合為一秩名曰西原世稿至是先生因舊本刊之○撰先

世墓誌誌文集並見文集○古今人物志儒先續錄等

書成○福州志成○十一月辭歸

三十六年我宣祖戊申先生十六歲

正月鄭仁弘拿過近地遣子樟慰之仁弘被拿而去

也自以為大建事業謂先生必出相見先生竟不見自是恚恨愈甚所以羅織搆捏者無



不用其  
○二月  
宣祖昇遐即赴  
闕哭臨

○光海踐祚付龍驤衛副護軍兼五衛都摠

府副摠管呈辭○三月特拜司憲府大司憲

兼世子輔養官先生以副摠管呈辭政院未及入啓光海聞先生名

傳曰鄭述林下善士先王所嘗禮遇今宜不拘常規為先擢用一以備寡昧之咨訪一

以輔養元子○以未解由前不可冒受之義上

疏請時朝廷方治柳永慶之罪而臨海微疏請起先生乃上疏辭職因論微事其

累曰凡官除拜必考辭由明存成憲歷代世守金石不撓在他庶僚猶不可犯况長於風

憲為法所主糾檢百司觀瞻四方其為責任如何而先自壞了方今聖御初臨梓宮在

寢近變起於至親覈處之際必有恩義兩盡之理元兇出於先臣王法之行當有緩急酌

寒岡先生年譜卷之一

中之宜須得剛直平正審微明理之士主張  
一時之公論使我聖上盛德誠孝極盡無憾  
光映史冊為百代瞻仰寧有如臣暗劣偏  
識敢為之犯禁叨冒祗誤一時之事機就答  
曰聞卿久矣今見卿疏深嘉至論顧予寡昧  
遭此罔極之痛又值無前之變思與諸賢共  
濟國事卿於此時豈可以常規小節為嫌而  
思退乎卿雖有疾病亦宜調理行公卿宜勿  
辭正色立朝以振頽綱○自九日至十三日  
三上狀乞免○十六日又上劄固辭答曰用  
賢豈拘於常規當初既有言於該曹卿宜安  
心勿辭調理出仕劄見○十九日遂出又以



未解由懇辭答曰卿久不出予甚缺然今聞

來謝良慰予懷為國莫急於先正紀綱此實

憲府之任卿宜勿辭勉盡職事以補寡昧啓

見文○二十二日與同僚期會而有疾未赴

又被李士浩之疏斥臺諫復引避至四不許

啓辭見○二十六日復上劄乞退仍請貸臨

海之死時朝廷方治臨海獄期於必殺先生復上劄畧曰殿下方乳乳在疾而又

值此前古罕有之變雖出於事係宗社有不得已焉者而臣伏想殿下之私則先王

眷春之末命常耿耿在耳憫憫皇皇夙夜靡寧也臣連日得參推鞠之末竊觀獄情連累

多濫時日遲延何由審克制中以彰聖朝明允之理乎且其連繫亦多宗戚之臣未畢按

詰經殞杖下者相繼如果有與謀之實而罪  
合顯戮則其不得取服固已為失刑矣或不  
及知情而實分有舍寃就死者則彼雖有親疎  
之問而實分有祖宗血氣之一脉或因風聞  
未出賊口締結詭秘之迹亦未盡發此亦豈  
不深可傷哉往在中廟朝因王子之變獄  
起不測顯仁宗大王時在儲宮陳疏乞解其  
通友愛之情有不客已雖有非常之變出於  
慮外而古之人猶有以恩掩之者又引孟子  
之說以為兄弟之問不戢怒焉不宿怨焉兄  
為天子弟為匹夫可乎民間至今傳誦今日  
聖上之所以處之者暗與同符豈非前聖後  
聖同一揆也漢文帝時淮南王長謀反事覺  
赦徙蜀袁盎諫曰卒逢霧露病死陛下有殺  
弟之名帝曰吾特苦之耳未幾長果死帝哭  
甚悲臣常恨其不早聽盎語也聖上同氣之  
中與之同胎只有臨海先嬪早世兄弟二人  
零丁同長寢食不相離臣知殿下至懷尤有  
所不忍焉而自搆大孽罪窮天壤仰貽聖上



憂哀迫切之痛此臣所以心欲腐而腸欲裂者也伏念今日參酌恩義變通善處豈無其道乎唯在殿下深思不以公盡法之義公聽達聰益昭中正之德命推鞠大臣勉加明慎微不必盡究人不必盡問罪不必盡覈法不必盡施寧有不經之失者存乎其間而臨海亦蒙不死之貸涵濡大恩以畢其生則光武之反側自安而文帝之天布斗粟無復謠於今日矣舉國臣民咸仰大聖人處變之無憾也以為聖上之友愛如此聖上之至仁如此聖上之虛難如此聖上之好生之德出乎尋常如此人心翕然四方咸悅史筆書之後世則之豈惟為初服收拾人心之至要乎抑可以上慰先王在天之靈亦有以仰答近日天心仁愛之警云云

答曰省劄良用嘉焉予以薄德遭此天倫之變日夜疚懷罔知所為從當議處又下備忘記于政院

此備忘記曰予以薄德遭此天倫之變私情之慘

痛曷有極哉事係宗社不得自由今則逆謀已出於諸賊之招端緒狼籍其辭連之人密謀之賊不可諉以宗室而不問也予亦疚懷罔知攸處此豈徒予一人之不幸實宗社國家之不幸也第以事體言之則有司為執法之論屈法申恩當有自出之地今之論議似為倒亂予懼有○二十八日遂避嫌請後獎此意政院知悉

罷

啓曰臣本疎愚不識事體惟有愛君一心出乎本性深思納君於無過之地敢將悃

悃

盡陳無諱伏見備忘記傳教之辭臣職答曰不可仍冒執法之地請命罷介臣職

偶然言及予所見耳卿可安心勿辭○又上

章自劾答曰再見劄辭具悉卿懇予意前已

盡諭卿不須累辭宜安心勉留匡予不逮

劄見

敷○四月自二日至四日三辭皆加給由○



八日復呈辭答曰卿固辭不已必以予不足

與有為而然予甚慚覩卿須安心調理以出

○十日不得已又出復上劄自効答曰聞卿

出仕良慰卿雖有所患疾病自可調理以行

卿宜勿辭隨事匡予

劄見文集

是日復呈辭○十

三日又復呈辭給由○十七日再辭加給由

○十九日答禮曹判書問 國喪服制書又

講定節目十有八條及禮曹啓目

時朴弘老為宗伯問

以國喪服制先生據禮經 答之書節目啓目並見文集 ○二十日三辭

二十一日蒙允即出城行到木川留待 國

葬之期○二十二日付龍驤衛副護軍兼

世子輔養官○二十四日政院啓請召還政

啓曰前大司憲鄭述逆命下後即發向木川

地云此等人使入叅經筵及書筵以畀啓沃

輔導之任事頃奉傳教自上嚮用方隆而遽

爾下去不北庶官進退故有聞不得不達傳

使之日自院善為措辭敦諭○二十七日以諭書

召之疏辭不就諭書見附錄○五月三十日

又以諭書召之附錄書見○六月拜刑曹叅判

兼世子輔養官即拜命會葬穆陵夏以

都憲時全恩劄子事上劄自効復優答不允

時臺諫方合啓共請按律之事邪論日張前

日全恩為請之臣皆不安於其位先生遂決



去志上劄請還客曰臣前於待罪憲府深感  
遭遇之盛不勝愛君之誠欲望聖上備仁孝  
之純德全彝倫之至愛敢上瀝情之劄仍陳  
貨死之請今者鞫事已畢論議大張按律之  
嚴凜若秋霜譁然皆以全恩為非臣竊增慚  
懼思欲引罪自効而山隄之後復有唐官  
之來舉國遑遑之中不敢仰瀆哀疚之聽行  
惶累日悶默待罪時論益峻物議愈騰臣之  
舍垢忍恥貪榮冒祿大失人臣  
去就之義伏願即命斥黜云云  
還鄉○九月上疏乞還  
疏見文集○付忠佐衛副  
護軍

三十七年

光海元年

巳酉

先生六十七歲

春構慕庵於先壠下○八月夫人李氏卒十  
二月葬于蒼坪先塋東艮坐之原○撰夫人

墓誌

三十八年

光海二年

庚戌

先生六十八歲

夏為鄉人朴而立所搆誣詣州府陳疏待罪

而立以允恠自棄於先生而仁弘族子鄭湍乃其外甥姪也受其陰喉誣以不道之言先

生席藁官門上章自列答曰物自為恠於卿何損儒生

詣闕辨評亦復優答

三十九年

光海三年

辛亥

先生六十九歲

釐整易詩書經文口訣○三月祭外先祖朴

公判尹諱可權牧使諱柳星二代墓於州南

脩倫洞



四十年

光海四年

壬子

先生七十歲

正月移卜

八莒縣蘆谷

先生居常不離於先塋之下以與仁弘相

近遂決意移卜

四十一年

光海五年

癸丑

先生七十一歲

夏聞逆豎朴應犀係獄上變告

國舅金悌

男謀推戴永昌大君又上累

慈殿事將不

測擬叫閭闔即赴朝至永同病不能行封劄

以進

劄畧曰亂逆之變何代無之不意休明之世兒徒構禍連歲不已措捕畧盡訊

鞠垂畢而又事涉宮闈聖心疚傷一國臣民所共悶痛而臣受國厚恩隕結難報此時一息猶存而尚不得匍匐閭闔之外仰伸一慰之忱則平生為國之誠將何以自見以此日

夜腐心不計萬死作氣登道寸寸前進今到  
永同之地重傷暑暍委卧路傍瘡愈無期既  
不得前進則惟有退死而已茲用披露控訴  
以待斧鉞之誅伏惟聖明有以矜諒焉殿下  
遭此前古所無之變乙夜憂悼其何以處焉  
夫其大義則固有不以夜憂悼者宜如物議  
之激發而有不可已焉者矣然而在下殿下  
而處之或有所未盡則不能不來天下後世  
之親而終為累於聖躬者又不可以不慮誠  
不可以不慎也伏願殿下博考前代帝王已  
往之蹟深惟古聖人處變之道酌輕重於權  
經思不偏於常變審至理之當然求必安於  
聖心使在我者無一毫之不懷為盡義而盡  
善焉則四方咸悅後世取則竊恐今日處變  
之大法斯其為至焉而增萬世  
盛德之輝光者其必在此也

答曰省劄具

悉卿意卿可調理勿以未上來為念○居一  
月聞朝廷既殺金悖男出置大君子閭家請



致辟又請別處 慈殿於異宮復封劄而還

劄畧曰昔者魯襄公三十年周景王有賊臣  
撓括造亂欲立王子倭夫倭夫即景王之弟  
實不知撓括之欲立已也未幾事發撓括出  
奔尹言多劉毅等五人共殺倭夫非王命也  
孔子書之曰天王殺其弟倭夫先儒論之以  
為凡王殺不書必殺無罪而後書夫天子主  
專殺倭夫之死宜不書而書法如是倭夫之  
不與聞聖人蓋以無罪處之矣其原情按法  
之意豈不深切而著明也哉且倭夫之死初  
不出於景王特莫之禁也爾然而解春秋之  
義而左氏則曰罪在王也穀梁子則曰甚之  
也杜預則曰殘骨肉也其為景王之累何如  
哉然則景王之過五大夫成之也今日之事  
偶然如有所彷彿焉者而其稚昧無識則又  
非但倭夫之不知也矣廷論不已必欲奉命  
則不又甚於景王之莫之禁也哉其欲使聖  
上將何以有辭於天下後世之講春秋之義  
者乎此臣之所深懼也伏願殿下深諒臣前

後所陳而勿為羣議所撓以精大義以全大  
倫則聖心泰然而無憾聖躬盡義而盡善後  
世之視今猶今之視古聖人也咸來則焉豈  
不盛哉抑臣不能無私憂過計者按律之啟  
方勤而只許問家之出思愛隆厚古所未有  
瞻聆所及孰不感悅哉但念幼孩脆弱氣血  
未定自深宮廣廈之安忽處之卑狹隘隘之  
陋寒熱不節飢飽不時思親戀居鬱悒啼呼  
莫聞莫觀莫問莫救其不為霧露之溘然者  
安保其決不有是理乎宋臣朱熹嘗謂其君  
光宗曰漢文帝少失思慮而尺布斗粟之謠  
終身病之雖賢主而不敢自恕其過此深為  
念今日之可憂也殿下既賞大恩則願有以加  
之竭誠致敬於慈殿一國臣民所共服咸仰  
者而不幸凶變浸染邪議橫生使聖心瞿然  
而不安臣甚痛焉父子大恩與天無極其或  
處變皆有道理然常變不一順逆異勢在我  
酬應亦有難易之不侔一失幾微便成累累  
不可以不審也古之人臣以過宮伏地積誠



格心勉君而今之言者乃以別宮異處請焉  
臣所未曉也伏願殿下雖深思古聖人蒸蒸  
之意以為使之處於今日則當如何哉夙宵  
戰兢必以舜之心為心謂天下無不是底者  
而一無變於前日之所以事之者焉則其所  
以為舜亦不越乎是正惟加勉焉而已矣蓋  
其所不得已者宗社之大計有以伸自盡  
者母子之至情惟在色舍隱忍益堅聖志設  
有行言靡或敢近極孝順之道畢愛敬之理  
至誠惻怛積久不已其不有藹然乎感者乎  
處之至矣盡矣者無出乎此天下之為父子  
者定而舜與有切焉其幾全在殿下神化之  
運夫如是則羣噪眾囂靡然若雲消而霧散  
功穆歡忻和氣冲融何必異宮別處有若不  
能無問者然資外人之窺覘而生疑議執至  
於邪魅幻惑之變不謂又生於聖明之下道  
路傳說甲乙不一臣固不測其端倪而亦不  
勝其驚咄焉然而果如所言正犯首惡既伏  
誅殛則臣之愚意波漫餘孽容或置之六度  
之中以驗其情狀歸宿之如何亦所以示吾

然不動之意也白曰光明之下正氣充塞  
陰沴妖怪之災寧有所干焉者哉臣所進言  
皆已定於淵衷之獨見者時子璋在都下見  
而敢復賣冒罪合萬死

劄辭恐違禍中止不上聞之愈憤重寫舊章

夏具小劄陳其所以而上之劄畧曰臣前到  
湖西曳疾將退

而用具小劄北望拜送矣其時臣有豚犬之  
子方在京師見臣之劄畏怵時議恐臣必死  
呼泣趨起遂不敢上進此非惟臣教子無義  
實由臣事君無狀誠意淺薄一得之愚不以  
上聞反復思惟罪實在臣輒敢收拾舊章重  
寫一本冀必溷於聖聽伏望聖慈俯燭微忱  
其於處之已盡而已義者更圖所以益盡而  
益善焉則臣所謂後之視今猶今之視昔咸  
來則焉者  
誠有其理  
答曰見卿兩劄多卿非堯舜不陳  
之意天下之事處常易處變難薄劣不幸遭



此無前之變其何以善處日夜憂懼無以為

心○撰西川君行狀狀見文集

四十二年光海六年甲寅先生七十二歲

正月蘆谷精舍災所撰羣書盡入灰燼○移

卜泗濱在蘆谷東數十里○夏收拾燼餘改撰五先

生禮說○十月喪子樟十二月葬于蒼坪先

塋西

四十三年光海七年乙卯先生七十三歲

五月患風痺右邊不仁先生嬰疾之後觀書如故接應如常不以

少倦○編次禮記喪禮分類○秋朴而立又

上兗疏請施重律光海亦知其誣罔不問時

人李昌祿有誹訕朝廷之語光海治以大逆

仁弘與李爾瞻通謀欲移禍先生而立承其

四十四年光海丙辰先生七

七月往浴榮川椒井八月還

四十五年光海丁巳先生七

七月往浴東萊溫泉八月還○十月撰金鶴

峯行狀○十一月聞廷臣又倡慈殿內主

咀呪外應逆謀之說交章請寢夏疑陳疏構

草而止疏畧曰竊聞朝方有大論聖上尚

在憂遑難處之

國家之不幸何如



至將何以仰喻乎哉內主咀呪外應逆謀母  
子之恩蓋已絕矣其為宗社之憤孰有甚  
焉所以今日之舉措萬不他顧而爭唱不已  
也然而與天無極之倫橫截萬古而為經為  
緯自古聖賢亦豈全無此等變故而未始有  
聞恐不可不為之深思而不勝一朝之痛終  
貽萬古之羞也日以殺舜為事之父母而帝  
舜之所以處之者則怨慕而已號泣而已子  
職則不得不恭為焉虞庭羣臣為君欲讐之  
心寧有紀極而亦未聞有一言及於處變此  
豈非萬古為人子為人臣者之所當則而法  
焉者乎為宗社之大逆負天下之大罪者孰  
有如唐之武曌至於宋臣張栻深以當時不  
廢為病而朱熹之論則以為在中宗則決不  
敢為黜母之事雖以武曌之不母而朱熹之  
立論如是真是義理精微處萬古之所當法  
者以今準古則母子之恩固已絕矣宗社  
之辱固已甚矣至於廢之一字不合一毫有  
萌於心以負朱子之教宜益恭子職以全至  
倫以體虞舜之孝豈不有辭於天下而百世

以俟而無惑者乎竊念此論雖不得不有而  
精微折衷之辨則當斷自聖衷扶植正論弘  
暢聖孝卓然為萬世之師法其幾豈不在今  
日乎如以為大恩已絕至警難棄不得不循  
今日之論則大義當先壞大防當先毀他日  
地下發下將何以有辭於先王出入太  
廟亦何以為顏於薦享乎前千古之所未  
有後萬世之所未法臣愚竊以為咀呪之主  
不必問逆謀之與不必究惟益盡誠盡孝於  
定省寢膳之禮而使有以感化至於防閑杜  
絕之舉則朝廷自當臨時相機不俾有所難  
制者矣宋臣朱熹之告其君請日伏門外而  
盡其誠者惟聖上體念云云疏既具擬且封  
進會光海批柳渝疏曰昔在戊申鄭逮首倡  
全恩之說掠取美名使君上更無施恩之地  
以亂國是至今靡定人心波蕩國勢艱危橫  
議之有害於人國家乃如是耶自今以後慎  
而不言毋自陷於不忠不義之地也先生聞  
之知其不可  
諫而焚稿  
○築泗陽精舍自號泗陽病叟



立屋三間以西二間為齋曰持敬曰明義東  
一間為堂曰景晦南序為軒曰忘老合而名

之曰泗  
陽精舍

○五服沿革圖成○撰一壺鄭先生

實記

四十六年

光海十年戊午先生七十六歲

三月省蒼坪先瑩暨判書公墓碣而還碣文

集○創造河洛太極圖兩屏○撰金東岡行

狀未得  
卒業

四十七年

光海十一年己未先生七十七歲

六月發浴行歷謁道東新山院祠新山在金  
海南冥曹

先生揭虔  
之所也○七月浴蔚山椒井東萊溫泉留

調昌原海亭十月還

穆宗純皇帝四十八年  
光宗貞皇帝元年

光海十  
二年

庚申

先生七十八歲

正月一日寢疾○五日甲申朝披閱家禮會

通且見壁間所貼校禮說時題名不正命侍

者整頓改貼至酉時連呼席不正者三而氣

微語澁以手指席然後傍人始會其意扶抱

而正之俄而考終于持敬齋

前歲已未仰山北甬崩是朝泗

上有木稼之異人皆曰此其兆也

○門人治喪一遵儀禮殯

于明義齋

凶耗所及莫不驚痛

○二月三十日戊寅嗣

孫惟熙奉柩行翌日到蒼坪山下權殯于墓



庵○四月二日巳酉合葬夫人之墓道內及京畿關

東湖西士子來會者四百六十餘人○八月光海遣官禮曹佐郎李惟

一賜祭祭文見附錄○時鄭造為監司不即啓達故祭文有晚聞凶耗若堂已封

之語○致賻如儀

熹宗哲皇帝天啓二年光海十壬戌

三月大丘士子奉安位版于研經書院研經退溪

李先生揭虔之所也○冬州士建書院于檜淵檜淵先生講

道之池故別立廟

三年我仁祖憲文大王元年癸亥

六月上遣官禮曹正郎金湜賜祭祭文見附錄○贈

卷之三 詩經之一

三

資憲大夫吏曹判書兼知義禁府事。十月

監司以州士之請。啓聞于。朝從祀川谷

書院程朱二先生廟。祭文見附錄一

五年。我祖三年乙丑

九月。上遣官。吏曹正郎金時讓賜謚曰文穆。勤學好問

曰文抱德執義曰穆

七年。我祖五年丁卯

九月。增淵書院成奉安位版。祭文見附錄二

崇禎三年。我祖八年庚午

九月立墓碣



六年我仁祖癸酉

四月立神道碑于蒼坪山下碑文見附錄

七年我仁祖甲戌

九月昌原士子建檜原書院奉安位版

八年我仁祖乙亥

四月成川士子建龍泉書院奉安位版

我仁祖十六年戊寅

二月昌寧士子建冠山書院奉安位版

我仁祖二十七年己丑

二月木川士子建竹林書院奉安朱子以先

生從祀

我孝宗顯  
仁大王二年辛卯

十一月泗陽書院成奉安位版泗陽是先生  
易簣之地故

別立  
祠廟

我孝宗  
八年丁酉

十月贈大主輔國崇祿大夫議政府領議

政兼領經筵弘文館藝文館春秋館觀象

監事世子師

我顯宗純  
文大王元年庚子

二月改刻墓碣書  
贈職



我顯宗二年辛丑

四月忠州士子建雲谷書院奉安朱子以先

生從祀

我顯宗四年癸卯

三月奉遷兆域于印懸山壬坐丙向之原在

北五里

我顯宗九年戊申

二月移豎神道碑于檜淵院傍追刻跋語

我顯宗元年孝大王三年丁巳

十月沃川士子建三陽書院奉安位版



我肅宗四年戊午

三月 上遣官禮曹正郎改謚賜祭改勤學

文為道德傳聞之  
文祭文見附錄

同月玄風士子請于 朝奉安位版于道東

書院道東寒暄堂金先生揭虔之所也

我肅宗十六年庚午

十二月 上遣官禮曹正郎致祭 賜額檜

淵書院

寒岡先生年譜卷之一

淵齋





